

Izjava direktora uz polugodišnje finansijske izvještaje za 2026. godinu

Poštovani,

Sa zadovoljstvom vam predstavljamo rezultate poslovanja Društva ostvarene u prvom polugodištu 2026. godine.

U posmatranom periodu nastavljen je stabilan rast poslovanja kroz povećanje kreditnog portfolija, širenje baze klijenata i unapređenje kvaliteta kreditnog portfolija. Na 30.06.2026. godine kreditni portfolio iznosio je 67,8 miliona KM, što predstavlja rast od 37,5% u odnosu na isti period prethodne godine. Broj klijenata povećan je za 38,16%, broj aktivnih kredita za 39,07%, dok nenaplativi krediti (NPL) na ukupnu izloženost čine svega 3,14%.

Društvo je u prvom polugodištu ostvarilo neto dobit od 2.897.349 KM, što predstavlja povećanje od 92,26% u odnosu na isti period 2025. godine. Istovremeno, ukupna aktiva povećana je za 39,8%, a kapital za 101,69%.

Radi daljeg jačanja finansijske pozicije i diverzifikacije izvora finansiranja u proteklih šest mjeseci uspješno su realizovane dvije emisije obveznica u ukupnom iznosu od 4.000.000 KM i jedna emisija komercijalnih zapisa u iznosu od 2.500.000 KM. Obje emisije obveznica bile su u potpunosti uspješne, dok je emisija komercijalnih zapisa ostvarila uspješnost od 83%.

Tokom prvih šest mjeseci 2026. godine otvorene su četiri nove poslovnice: Gacko, Stanari, Rogatica i Modriča. Društvo danas posluje kroz mrežu od 31 ekspoziture i filijale širom Bosne i Hercegovine, uz ukupno 107 zaposlenih.

U nastavku godine nastavićemo sa razvojem kreditnog poslovanja, širenjem mreže poslovnica, razvojem novih finansijskih proizvoda i daljim unapređenjem tehnoloških rješenja, s ciljem pružanja kvalitetnije usluge klijentima i stvaranja dodatne vrijednosti za investitore.

Zahvaljujemo se našim klijentima, poslovnim partnerima, investitorima i zaposlenima na ukazanom povjerenju i doprinosu ostvarenim rezultatima.



Gordana Corsović, direktor